

BULETIN ICAN

UiTM NEGERI SEMBILAN
NOVEMBER 2023

**PROGRAM "UNITE FOR HUMANITY" MENGGALAKKAN
SEMANGAT GENERASI MUDA MENJADI AHLI
SUKARELAWAN**

*Siti Aishah Mohd Shafie, Noorezatty Mohd Yusop, Nuralina Azlan,
Nor Akmal Md Noh.*

**KESINAMBUNGAN KERJASAMA ERAT ANTARA UiTM
CAWANGAN NEGERI SEMBILAN DAN HOSPITAL PAKAR
CMH SEREMBAN BAGI PENGANJURAN PROGRAM
BERASASKAN KESIHATAN**

Siti Syaida Sirat, Ahmad Husaini Mohamed & Jamil Mohamed Sapari

**PROGRAM UiTM ALUMNI FUN RUN 2023 CAWANGAN
NEGERI SEMBILAN**

*Asmahanim Binti Haji Mohamad Yusuf, Nur Hafizah Abdul Khalid, Nur Amirah Nabihah
Zainal Abidin, Fatin Aliyah Binti Hasan, Mohd Nur Fitri Bin Mohd Salim*

eISSN 2811-3802



9 7 7 2 8 1 1 3 8 0 0 8

VES sebagai Pemerhati di Pilihanraya Dewan Undangan Negeri (DUN) di Negeri Sembilan pada 12 Ogos 2023

SHAHIDAH ABDUL RAZAK

Voting Education Society (VES) sekali lagi telah menempa nama sebagai wakil kepada generasi muda dalam usaha untuk memupuk minat orang ramai serta untuk meraikan sistem demokrasi di negara ini. Dalam pilihan raya negeri (PRN) yang berlangsung di peringkat Dewan Undangan Negeri (DUN) di Negeri Sembilan pada 12 Ogos 2023 di mana sebanyak lima orang ahli daripada VES telah dilantik sebagai pemerhati pilihan raya dan seorang ahli sebagai kerani di tempat pengundian di kawasan DUN N23 Mambau. Kini VES tidak lagi hanya berperanan sebagai sebuah kelab pelajar semata-mata tetapi peranannya telah melangkaui di mana ia berfungsi sebagai platform utama bagi mendedahkan kepada pelajar mengenai pentingnya proses mengundi itu di samping dapat melihat secara langsung manifestasi proses demokrasi dan politik itu. Ini secara tidak langsung akan menambahkan lagi ilmu pengetahuan khususnya di dalam disiplin seperti sains politik yang menuntut agar orang ramai lebih cakna dan celik dengan perubahan sosial semasa yang berlaku di sekeliling.

Kepentingan daripada ini adalah para pelajar juga didedahkan dengan pengalaman baharu seperti tinjauan di lapangan di mana segala bentuk prosedur boleh dipelajari dan tidak kurang juga dapat menyaksikan gelagat pengundi pada hari pengundian. Ini adalah bertepatan dengan dasar dan ketetapan yang telah diambil dan selari dengan aspirasi pihak kerajaan dalam usaha untuk mempromosikan kepentingan mengundi terutama sekali kepada orang ramai khususnya anak-anak muda yang berusia 18 tahun ke atas agar mereka merasa terpanggil untuk melangsungkan tanggung jawab mereka sebagai seorang rakyat Malaysia.



Tiga orang pelajar daripada Fakulti Sains Pentadbiran & Pengajian Polisi (FSPPP) mewakili kelab Voting Education Society (VES) bersama penasihat di hadapan pusat pengundian UiTM Seremban Negeri Sembilan.



Keadaan semasa hari pengundian di saluran satu bertempat di Dewan Mini Tok Puan Sungai Ujong, UiTM Seremban Negeri Sembilan.

Keterlibatan para pelajar di dalam proses ini dapat membantu mereka untuk mendalami ilmu sains sosial dan perincian seumpama ini dapat menambah baik dan membaiki mutu pemikiran dan seterusnya dapat melahirkan generasi yang mampu untuk berfikir secara kritis dan kreatif agar dapat membawa satu wacana unggul demi untuk menegakkan aspirasi nasional.

Sebagai sebuah kelab yang ditubuhkan pada 2019, VES dilihat mampu untuk bersaing dengan kelab-kelab pelajar yang lain di dalam kerangka Malaysia MADANI dan dapat untuk beroperasi sepenuhnya berlandaskan idea-idea politik pendidikan yang seringkali dijadikan sebagai penghujahan utama untuk memacu sebuah negara dan generasi yang berilmu dan berpengalaman luas dalam hal-hal yang melibatkan pembuatan dasar dan sebagainya. Keterlibatan dan keterbukaan ini harus lah diraikan dengan kadar yang maksimum dan pembabitan mereka ini perlulah bersifat strategik dan penyesuaian komunikasi dua-hala. Aktiviti seumpama ini dapat menajamkan lagi perspektif mereka di mana terdapat isu-isu berbangkit yang boleh dinilai secara kritikal semasa pemerhatian di lapangan dijalankan. Dengan itu, ahli-ahli VES yang terlibat diminta untuk memerhati dan menyediakan pelaporan yang bersesuaian dengan deskripsi tugas yang diberikan di dalam masa dua minggu. Sebagai tulang belakang kepada agensi seperti Suruhanjaya Pilihan Raya (SPR), VES mampu untuk menyumbang secara terus kepada penambahbaikan yang dilihat perlu untuk menjadikan sistem demokrasi negara ini bersifat kental dan berdaya saing dengan negara-negara membangun yang lain.

Selain itu, penglibatan pelajar secara terus di dalam proses demokrasi negara ini juga dilihat sebagai satu sumbangan kepada komuniti setempat apabila mereka menjalankan tanggungjawab sebagai generasi muda yang cakna dengan perkembangan politik semasa.



Salah seorang pelajar VES yang bertugas sebagai kerani di pusat pengundian di SK Taman Seri Andalas, Klang Selangor bersama petugas-petugas yang lain.



Keadaan di Sekolah Kebangsaan Taman Rasah Jaya yang mempunyai 22 saluran (saluran terbanyak dalam kawasan pengundian DUN N23)